

中国近代史参考资料

上册

华南师院历史系中国近代史教研室

1979. 4.

中国近代史参考资料

上册目录

(一) 鸦片战争

- (1) 平均篇……………龚自珍(1)
- (2) 送钦差大臣侯官林公序……………龚自珍(3)
- (3) 鸦片烟例禁愈严流弊愈大应亟请变通……
- (4) 办理折附片……………许乃济(7)
- (5) 严塞漏卮以培国本疏……………黄爵滋(11)
- (6) 钱票无甚关碍宜重禁吃烟以杜弊端片……林则徐(16)
- (7) 广州人民的抗英斗争……………(20)
- (8) 谕各国商人呈缴烟土稿……………林则徐(23)
- (9) 会奏销化烟土一律完竣摺……………林则徐(25)
- (10) 英虽富强非木可制片……………林则徐等(27)
- (11) 密陈夷务不能歇手片……………林则徐(30)
- (12) 曼切斯特商会上首相迈尔本与外交大臣巴麦尊备
忘录……………(33)
- (13) 义律致巴麦尊私人机密件……………(34)
- (14) 巴麦尊致义律机密件……………(36)
- (15) 琦善奏晓谕懿律及英船全行南旋折……………(38)
- (16) 琦善奏义律交还炮台只并沥陈不堪作战情形折…(39)
- (17) 颜伯焘奏探闻广东情形摺……………(41)

三元里打仗日记	林福祥	(44)
尽忠报国全粤义民申谕英夷告示		(46)
全粤义士义民公檄	钱江等	(50)
厦门人民的抗英斗争		(53)
宁波人民的抗英斗争		(53)
靖江人民的抗英斗争		(55)
台湾人民的抗英斗争		(56)
耆英等又奏战无长策惟有羁縻片		(58)
道光密谕耆英伊里布与英军再商戢兵		(59)
南京条约		(60)
望厦条约		(63)
海国图志原叙	魏源	(65)
筹海篇三·议战(节录)		(67)
默觚(节录)	魏源	(69)
程爵采奏绅士捐建升平社学分所由		(72)
升平分所绅耆宣言		(75)
秀水社学十七乡字启		(77)
官府辱国殃民贴		(78)
匿名揭贴		(79)
广东省佛两处泥水木匠规条		(80)

(二) 太平天国革命

原道救世歌	洪秀全	(82)
原道醒世训	洪秀全	(86)
原道觉世训	洪秀全	(88)
洪秀全来历	洪仁玕	(94)

- 太平天日(节录)……………洪秀全(95)
- 十款天条……………(96)
- 奉天讨胡檄布四方谕……………杨秀清、萧朝贵(97)
- 诰四民安居乐业谕……………杨秀清(100)
- 天王诏旨……………(101)
- 林凤祥、李开芳、吉文元、朱锡琨北伐回禀……………(102)
- 诏书盖玺颁行论(节录)……………黄再兴(104)
- 天朝田亩制度……………(104)
- 照旧交粮纳税奏……………杨秀清等(110)
- 苏福省减赋诏……………洪秀全(110)
- 常然报恩牌坊碑序……………(111)
- 太平天国公据六种……………(112)
- 资政新编……………洪仁玕(116)
- 立法制誼谕……………洪仁玕(132)
- 戒浮文巧言谕……………洪仁玕等(135)
- 洪仁玕自述(节录)……………(137)
- 石达开布告……………(149)
- 吉庆元、朱衣点等上天王奏……………(150)
- 陈玉成淳谕军民示……………(154)
- 李秀成自述(节录)……………(155)
- 答英使文翰书……………杨秀清(171)
- 东王答复英国人三十一条并责问五十条诰谕
(节录)……………杨秀清(172)
- 镇江太平军致英公使书……………罗大纲(174)
- 致上海各国领事书……………李秀成(174)
- 再致上海各国领事书……………李秀成(175)

- (20) 李秀成谕尚(上)海松江军民……………李秀成(177)
- (21) 答英国海军大将何伯书……………蒙时雍(178)
- (22) 黄天将答各国领事书……………黄呈忠(178)
- (23) 答英国舰长哇乐德克书……………黄呈忠(179)
- (24) 太平军大败洋枪队略侵军……………呤喇(180)
- (25) 常胜军始末……………吴煦(183)
- (26) 阿礼国上文翰机密报告……………(186)
- (27) 讨粤匪檄……………曾国藩(188)
- (28) 覆李少荃中丞(节录)……………曾国藩(191)
- (29) 为筹议外国借兵助剿代运南漕摺……………薛焕(192)
- (30) 刘丽川上天王奏……………(195)
- (31) 刘丽川安民告示……………(196)
- (32) 刘丽川致各国领事函……………(197)
- (33) 红兵纪事……………赵源英(198)
- (34) 广东红巾军致英、美、法三国领事知照……………(202)

(三) 第二次鸦片战争与沙俄侵占我国大片领土

- (03) 克勒得恩伯爵致包令函……………(203)
- (04) 书汉阳叶相广州之变……………薛福成(206)
- (05) 英夷突犯广州民情忿怒即当声治其罪势无不胜
(06) 摺……………韩锦云(213)
- (07) 沥陈英佛所请不得从权允准折……………桂良等(215)
- (08) 粤民义师……………夏燮(218)
- (09) 书科尔沁忠亲王大沽之败……………薛福成(222)
- (10) 俄人勾引各国心怀叵测尤堪病恨折……………
(11) ………………僧格林沁等(225)

中英天津条约（节录）	（226）
中英通商章程善后条约（节录）	（232）
中英北京条约	（233）
中法北京条约第六款	（236）
沙俄强占中国领土庙街等地区	（236）
呈海军大将亲王殿下秘密报告… 穆拉约维夫	（239）
俄人带兵占据阔端屯等处情形折	景淳（240）
中俄瑗珲条约	（241）
中俄北京条约（节录）	（243）
俄人畏惧黑河口民人抵抗惊惶奔脱折	景淳（245）
海参威中国人民起义抗俄	（246）
俄人久踞伊犁希图侵越折	奕沂等（247）
中俄伊犁条约	（248）
甘督扬昌藩奏英俄觊觎帕米尔坎巨提清派员督办 防务所	（253）

(一) 鸦片战争

平均篇 龚自珍

嘉庆二十一年（1816年）

龚子曰：有天下者，莫高于平之之尚也，其邃初乎！降是，安天下而已；又降是，与天下安而已；又降是，食天下而已。最上之世，君民聚醪然。三代之极其犹水，君取盂焉，臣取勺焉，民取卮焉。降是，则勺者下侵矣，卮者上侵矣。又降，则君取一石，民亦欲得一石。故或涸而踣。石而浮，则不平甚；涸而踣，则又不平甚。有天下者曰：吾欲为邃初，则取其浮者而挹之乎，不足者而注之乎！则然喙之矣。大略计之，浮不足之数相去愈远，则亡愈速；去稍近，治亦稍速。千万载治乱兴亡之数，直以是券矣。

人心者，世俗之本也；世俗者，王运之本也。人心亡则世俗坏，世俗坏则王运中易。王者欲自为计，盍为人心世俗计矣。有如贫相轧，富相耀；贫者陆，富者安；贫者日愈倾，富者日愈壅。或以羡慕，或以愤怨，或以骄汰，或以嗇吝，浇漓诡异之俗，百出不可止，至极不祥之气，郁于天地之间。郁之久，乃必发，为兵燹，为疫病，生民噍类，糜有子遗，人畜悲痛，鬼神思变置。其始不过贫富不相齐之为之尔；小不相齐，渐至大不相齐；大不相齐，即至丧天下。呜呼！此贵乎操其本源，与随其时而剂调之。上有五气，下有

五行，民有五丑，物有五才，消焉息焉，亨焉决焉，王心而已矣。是故古者天子之礼，岁终太师执律而告声，月终太史候望而告气。东无隋水，西无隋财，南无隋粟，北无隋土，南无隋民，北无隋风，王心则平，听平乐，百僚受福。其《诗》有之曰：“秉心塞渊，騶牝三千。”王心诚深平，畜产且腾跃众多，而况于人乎！又有之曰：“皇之池，其马歆沙，皇人威仪。”其次章曰：“皇之泽，其马歆玉，皇人受谷。”言物产蕃庶，故人得肆威仪，茹内众善，有善名也。太史告曰：“东有隋水，西有隋财，南有隋粟，北有隋土，南有隋民，北有隋风。”王心则不平，听倾乐，乘欹车，握偏衡，百僚受戒，相天下之积重轻者而变易之。其《诗》有之曰：“相其阴阳，观其流泉。”又曰：“度其夕阳。”言营度也。故积财粟之气滞，滞多雾，民声苦，苦伤惠。积民之气淫，淫多雨，民声嚣，嚣伤礼义。积土之气坳，坳多日，民声浊，浊伤智。积水积风，皆以其国瘥昏，官所掌也。

且夫继丧亡者，福祿之主；继福祿者，危迫之主。语百姓曰：尔惧兵燹乎？则将起其高曾于九京而问之。惧荒饥乎？则有农夫在。上之继福祿之盛者难矣哉！龚子曰：可以虑矣！可以虑，可以更，不可以骤。

且夫唐虞之君，分一官，事一事，如是其淳也。民固未知贸迁，未能相有无，然君已惧矣，曰：“后世有道吾民于富者，道吾民于贫者，莫如我自富贫之，犹可以收也。”其《诗》曰：“不识不知，顺帝之则。”夫尧固甚虑民之识知，莫如使民不识知则顺我也。水土平矣，男女生矣，三千年以还，何底之有！彼富贵至不急之物，贱贫者犹且筋力以成之，岁月以靡之，舍是则贱贫且无所托命。然而五家之堡必有

肆，十家之邨必有贾，三十家之城必有商。若服妖之肆，若食妖之肆，若翫好妖之肆，若男女咿唔求爵禄之肆，若盗圣贤市仁义之肆，若女子鬻容之肆。肆有魁，贾有梟，商有贤桀，其心皆欲并十家五家之财而有之。其智力虽不逮，其号既然矣。然而有天下者更之，则非号令也，有四挹四注：挹之天，挹之地，注之民；挹之民，注之天，注之地；挹之天，注之地；挹之地，注之天。其《诗》曰：“挹彼注兹，可以饒饒；岂弟君子，民之父母。”有三畏：畏旬，畏月，畏岁。有四不畏：大言不畏，细言不畏，浮言不畏，挟言不畏。而乃试之以至难之法，齐之以至信之刑，统之以至澹之心。龚子曰：有天下者，不十年几于平矣。

——《定庵文集》，卷上。

送欽差大臣侯官林公序^① 龚自珍

道光十八年十一月十六日（1839年1月1日）

欽差大臣兵部尚书都察院右都御史林公既陞辞，礼部主事仁和^② 龚自珍则献三种决定义，三种旁义，三种答难义，一种归墟义。

① 侯官林公，指林则徐，林是福建省侯官县（今福州市）人。清廷派林则徐为欽差大臣赴广州查禁鴉片，龚自珍作这篇序送他。

② 仁和，今浙江省杭州市。

中国自禹、箕子以来，食货并重^①。自明初开矿，四百余载，未尝增银一厘。今银尽明初银也，地中实，地上虚，假使不漏于海，人事火患，岁岁约耗银三四千两，况漏于海如此乎？此决定义，更无疑义。

汉世五行家^②以食妖、服妖占天下之变。鸦片烟则食妖也，其人病魂魄，逆昼夜。其食者宜缳首诛！贩者、造者，宜刎脰诛！兵丁食宜刎脰诛！此决定义，更无疑义。

诛之不可胜诛，不可〈不〉绝其源；绝其源，则夷不逞，奸民不逞；有二不逞，无武力何以胜也？公驻澳门，距广州城远，夷^③也，公以文臣孤入夷，其可乎？此行宜以重兵自随，此正皇上颁关防使节制水师意也。此决定义，更无疑义。

食妖宜绝矣，宜并杜绝呢羽毛之至，杜之则蚕桑之利重，木棉之利重，则中国实。又凡钟表、玻璃、燕窝之属，悦上都之少年，而夺其所重者，皆至不急之物也，宜皆杜之。此一旁义。

宜勒限使夷人徙澳门，不许留一夷。留夷馆一所，为互市之栖止。此又一旁义。

火器宜讲求，京师火器营，乾隆中攻金川用之，不知施

① 《尚书·洪范篇》，其中据箕子说是从禹的时候传下来的，所谓“天乃锡”（赐）禹洪范九畴，其“三、八政：一曰食，二曰货，……”。

② 汉代之以水、火、木、金、土占卜者，叫作五行家。

③ ，字书未见；或即 字，又作 ，藩落之意。这里的夷，当即外国人聚居之所的意思。

于海便否？广州有巧工能造火器否？胡宗宪《图编》①，有可约略仿用者否？宜下群吏议，如带广州兵赴澳门，多带巧匠，以便修整军器。此又一旁义。

于是有儒生逆难者曰：中国食急于货，袭汉臣刘陶旧议论②以相舐。固也，似也，抑我岂护惜货，而置食于不理也哉？此议施之于开矿之朝，谓之切病；施之于禁银出海之朝，谓之不切病。食固第一，货即第二，禹、箕子言如此矣。此一答难。

于是有关吏逆难者曰：不用呢羽，钟表、燕窝玻璃，税将绌。夫中国与夷人互市，大利在利其米，此外皆末也。宜正告之曰：行将关税定额，陆续请减，未必不蒙恩允，国家断断不恃榷关所入，矧所损细、所益大？此又一答难。

乃有迂诞书生逆难者，则不过曰为宽大而已，曰必毋用兵而已。告之曰：“刑乱邦用重典”③周公之训也。至于用兵，不比陆路之用兵，此驱之，非勦之也；此守海口，防我境，不许其入，非与彼战于海，战于鯨鯢也。伏波将军则近水，非楼船将军，非横海将军也④。况陆路可追，此无可

① 《图编》，全名是《筹海图编》，明嘉靖时胡宗宪编著，是一部汇集有关倭寇侵扰和防御办法的书。

② 刘陶，东汉时人。有人上书说“人以货轻钱薄，故致贫困，宜改铸大钱。”刘陶不同意这一说法，认为“民可百年无货，不可一朝有饥，故食为至急也。”（《后汉书·刘陶传》）

③ 语出《周礼·秋官·大司寇》。

④ 伏波、楼船、横海，皆汉代将军名号。伏波是到滨海地区作战的；楼船、横海，是乘坐战船，横海而行，在海上作战的。

追，取不逞夷人及奸民，就地正典型，非有大兵阵之原野之事，岂古人于陆路开边衅之比也哉？此又一答难。

以上三难，逆难者皆天下黠猾游说，而貌为老成迂拙者也。粤省僚吏中有之，幕客中有之，游客中有之，商估中有之，恐绅士中未必无之，宜杀一儆百。公此行此心，为若辈所动，游移万一，此千载之一时，事机一跌，不敢言之矣！不敢言之矣！古奉使之诗曰：“忧心悄悄，仆夫况瘁。”①悄悄者何也？虑尝试也，虑窥伺也，虑泄言也。仆夫左右亲近之人，皆大敌也，仆夫且忧形于色，而有况瘁之容，无飞扬之意，则善于奉使之至也。阁下其绎此诗！

何为一归墟义也？曰：我与公约，期公以两期期年，使中国十八行省银价平，物力实，人心定，而后归报我皇上。《书》曰：“若射之有志。”②我之言，公之鹄矣。

《龚自珍全集》页169—171。1959年中华书局出版。

① 见《诗经·小雅·出车》。

② 见《尚书·盘庚上》。

鴉片烟例禁愈严流弊愈大应亟请

变通办理折附片

许乃济^①

道光十六年四月二十七日（1836年6月10日）

奏为鸦片烟例禁愈严，流弊愈大，应亟请变通办理，仰祈圣鉴密饬确查事：

窃照鸦片本属药材，其性能提神、止泄、辟瘴，见明李时珍《本草纲目》，谓之阿芙蓉。惟吸食既久，则食必应时，谓之上瘾，废时失业，相依为命。甚者气弱中干，面灰齿黑，明知其害而不能已。诚不可不严加厉禁，以杜恶习也。

查鸦片之类有三：一曰公斑皮，色黑，亦谓之乌土，出明雅喇^②；一曰白皮，出孟买；一曰红皮，出曼达喇萨；皆暎咭喇属国。乾隆以前，海关则例入药材项下，每百斤税银三两，又分头银二两四钱五分。其后始有例禁。嘉庆初，食鸦片者罪止枷杖，今递加至徒、流、绞、监侯各重典，而食者愈众，几遍天下。乾隆以前，鸦片入关纳税后，交付洋行兑换茶叶等货。今以功令森严，不敢公然易货，皆用银私售。嘉庆时每年约来数百箱，近年竟多至二万余箱，每箱百斤。乌土为上，每箱约价银洋八百元；白皮次之，约价六百

① 许乃济，曾任广东道员，知道一些那里的鸦片走私情况；此时任太常寺少卿。

② 明雅喇，即孟加拉。

元；红皮又次之，约价四百元。岁售银一千数百万元，每元以库平七钱计算，岁耗银总在一千万两以上。夷商向携洋银至中国购货，沿海各省民用，颇资其利。近则夷商有私售鸦片价值，无庸挟资，洋银遂有出而无入矣。国家承平垂二百年，休养生息，财帛充仞，欣遇皇上躬行节俭为天下先，宜乎黄金与土同价矣。然向常纹银每两易制钱千文上下，比岁每两易制钱至千三四百文，银价有增无减。鹼务易盐以钱，而交课以银，盐商赔累甚重，遂至各省鹼务俱形疲敝。州县征收钱粮，其赔累亦复相同。以中原易尽之藏，填海外无穷之壑，日增月益，贻害将不忍言。

或欲绝夷人之互市，为拔本塞源之说。在天朝原不惜损此百余万两之税餉。然西洋诸国通市船者千有余年，贩鸦片者，止啖咭喇耳，不能因绝啖咭喇，并诸国而概绝之，瀕海数十万众恃通商为生计者又将何以置之？且夷船在大洋外，随地可以择岛为廛，内洋商船皆得而至，又乌从而绝之？比岁夷船周历闽、浙、江南^①、山东、天津、奉天^②各海口，其意即在销售鸦片。虽经各地方官当时驱逐，然闻私售之数，亦已不少。是虽绝粤海之互市，而不能止私货之不来。

或谓有司官查禁不力，致令鸦片来者日多。然法令者胥役棍徒之所借以为利，法愈峻则胥役之贿赂愈丰，棍徒之计谋愈巧。道光元年（1821年），两广督臣阮元严办澳门屯户叶恒树，夷商无可托足，因自贩于零丁洋。其地在蛟门以外，水路四通，有大船七八只，终岁停泊，收贮鸦片，谓之

① 江南，指江苏省。

② 奉天，指辽宁。

趸船。有省城包买户，谓之窑口。由窑口兑价银于夷馆，由夷馆给票单，至趸船取货。有来往护艇，姓曰快蟹，亦曰扒龙，炮械毕具，亡命数十辈，运桨如飞；所过关卡，均有重贿，遇兵役巡船向捕，辄敢抗拒，互致杀伤。前督臣卢坤，调派水师副将秦裕昌、香山知县田溥等，拏获梁显业贩卖鸦片船只，起出烟泥一万四千余斤，格杀生擒者共数十人，并按治窑口匪犯姚九、欧宽等，籍产入官。查办非不认真，而此风终未能戢。

盖凡民之畏法不如其鹜利，鬼蜮伎俩，法令实有时而穷。更有内河匪徒，冒充官差，以搜查鸦片为名，乘机抢劫，臣前在广东署臬司任内，报案纷纷，至栽赃讹诈之案尤所在多有，良民受累者不可胜计。此等流弊，皆起自严禁以后。究之食鸦片者率皆游惰无志，不足重轻之辈，亦有逾耆艾而食此者，不尽促人寿命。海内生齿日众，断无减耗户口之虞；而岁竭中国之脂膏，则不可不大为之防，早为之计。今闭关不可，徒法不行，计惟仍用旧例，准令夷商将鸦片照药材纳税，入关交行后，只准以货易货，不得用银购买。夷人纳税之费，轻于行贿，在彼亦必乐从。洋银应照纹银一体禁其出洋，有犯被获者，鸦片销毁，银两充赏。至文武员弁、士子、兵丁等，或劾职从公，或储材备用，不得任令沾染恶习，致蹈废时失业之愆。惟用法过严，转致互相容隐。如有官员、士子、兵丁私食者，应请立予斥革，免其罪名，宽之正所以严之也。该管上司及保结统辖官，有知而故纵者，仍分别查议。其民间贩卖吸食者，一概勿论。

或疑弛禁于政体有关。不知觴酒、衽席皆可戕生，附子、乌头非无毒性，从古未有一一禁之者。且弛禁仅属愚贱

无职事之流，若官员、士子、兵丁仍不在此数，似无伤于政体。而以货易货，每年可省中原千余万金之偷漏，孰得孰失，其事了然。倘复瞻顾迟回，徒徇虚体，窃恐鸦片终难禁绝，必待日久民穷财匮而始转计，则已悔不可追。

臣以一介菲材，由给事中仰沐圣恩拔擢，历官中外，前任岭表监司几十年，报称毫无，深自愧恨，而于地方大利大害，未尝不随时访问。因见此日查禁鸦片，流弊日甚一日，未有据实直陈者。臣既知之甚确，曷敢壅于上闻？伏乞皇上勅下粤省督抚及海关监督，密查以上各情节；如果属实，速议变通办理章程，奏请宸断施行，庶足以杜漏卮而裕国计。臣不胜惶悚待命之至。谨奏。

附片

再，臣更有请者：鸦片烟土，系用罌粟花结苞时刺取津液，熬炼而成。闽、广、浙东、云南，向有栽种罌粟、制造鸦片者，叠经科道各官奏请严禁，内地遂无人敢种，夷人益得居奇，而利藪全归外洋矣。其实中原土性和平，所制价廉力薄，食之不甚伤人，上瘾者易于断绝。前明淡巴菰来自吕宋，即今之旱烟，性本酷烈，食者欲眩，先亦有禁，后乃听民间吸食，内地得随处种植，吕宋之烟，遂不复至，食之亦竟无损于人。今若宽内地民人栽种罌粟之禁，则烟性平淡，即无大害，且内地之种日多，夷人之利日减，迨至无利可牟，外洋之来者自不禁而绝。

特虑夺南亩之地力，荒农夫之耕作，则关系匪轻。但以臣所闻广东省情形言之，九月晚稻刈获既毕，始种罌粟。南方气暖，二三月便已开花结实，收浆后乃种早稻，初无碍于

地力，而大有益于农夫。应请勅查各省旧种罌粟外，如果于早晚两季均无妨碍，亦准听民之便，庶外洋无奇可居，而夷舶之私售鸦片者久之可以渐绝，此亦转移之微权。

是否可行，合并陈明请旨。谨奏。

《黄爵滋奏疏许乃济奏议合刊》，页216—219。1959年中华书局出版。

严塞漏卮以培国本疏 黄爵滋

道光十八年闰四月初十日（1838年6月2日）

奏为请严塞漏卮，以培国本事：

臣维皇上宵衣旰食，所以为天下万世计者，至勤至切；而国用未充，民生罕裕，情势渐积，一岁非一岁之比，其故何哉？考诸纯庙^①之世，筹边之需几何？巡幸之费几何？修造之用又几何？而上下充盈，号称极富。至嘉庆以来，犹征丰裕，士夫之家以及巨商大贾，奢靡成习，较之目前，不啻霄壤。岂愈奢则愈丰，愈俭则愈啬耶？臣窃见近年银价递增，每银一两易制钱一千六百有零，非耗银于内地，实漏银于外洋。

盖自鸦片流入中国，我仁宗睿皇帝知其必有害也，故诰诫谆谆，例有明禁。当然时臣工，亦不料其流毒至于此极，使早知其若此，必有严刑重法，遏于将萌。查例载：凡夷船

① 純庙，指乾隆皇帝，純是他的諡法。